



Broj: 12/08-23-11474-6/20

Zenica, 23.07.2020. godine

Na osnovu člana 69. stav (2) tačka d) Zakona o javnim nabavkama BiH ("Službeni glasnik BiH" broj: 39/14) i Zapisnika komisije sa preporukom, broj: 12/08-23-11474-5/20 od 22.07.2020. godine, u pregovaračkom postupku javne nabavke bez objave obavještenja sa jednim ponuđačem, direktor Kantonalne direkcije za ceste Zeničko-dobojskog kantona, donosi:

ODLUKU

o poništenju postupka javne nabavke

I

Poništava se pregovarački postupak javne nabavke bez objave obavještenja sa jednim ponuđačem za usluge održavanja postojeće baze cestovnih podataka i održavanja regionalnih cesta na području Zeničko-dobojskog kantona, broj: 12/08-23-11474-1/20, za koji je objavljena informacija na službenoj internetskoj stranici ugovornog organa.

II

Pregovarački postupak javne nabavke bez objave obavještenja sa jednim ponuđačem poništava se u skladu sa članom 69. stav (2) tačka d) Zakona o javnim nabavkama BiH, obzirom da primljena ponuda nije prihvatljiva.

III

Odluka će se u skladu sa članom 70. stav (6) Zakona o javnim nabavkama BiH objaviti na službenoj stranici ugovornog organa www.zdk.ba i to istovremeno s upućivanjem odluke ponuđaču koji je učestvovao u postupku javne nabavke.

Obrazloženje

Kantonalna direkcija za ceste, koja se nalazi u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona, Odlukom broj: 12/08-23-11474/20 od 07.07.2020. godine pokrenula pregovarački postupak bez objave obavještenja iz člana 21. stav (1) tačka c) ZJNBH.

Dana 09.07.2020. godine na službenoj internetskoj stranici www.zdk.ba, u skladu sa članom 28. stav (4) ZJNBH objavljena je informacija o pregovaračkom postupku bez objave obavještenja o nabavci.

Komisija za javne nabavke imenovana rješenjem broj: 12/08-23-11474-3/20 od 22.07.2020, dana 22.07.2020. godine u 13:00 sati, zaprimila je jednu blagovremeno pristiglu ponudu grupe ponuđača: TEB INFORMATIKA d.o.o. Zagreb i TEB INFORMATIKA d.o.o. Sarajevo, te pristupila pregledu i ocjeni ponude, nakon čega je konstatovala da dostavljena ponuda nije prihvatljiva zbog:

Tačkom 7.1.3. tenderske dokumentacije propisano je da je ponuđač obavezan uz ponudu dostaviti dokumentaciju kojom dokazuje ličnu sposobnost iz člana 45. ZJNBH, odnosno ukoliko se radi o grupi ponuđača, svaki član je dužan dostaviti traženu dokumentaciju. U dostavljenoj ponudi, Komisija je

konstatovala da je za ovlaštenog predstavnika ponuđača TEB INFORMATIKA d.o.o. Zagreb uredno dostavljena propisana dokumentacija, dok je za člana grupe ponuđača TEB INFORMATIKA d.o.o. Sarajevo napravljen propust, odnosno uz dostavljenu Izjavu iz člana 45. ZJNBiH nije priložena tražena dokumentacija kojom se potvrđuje vjerodostojnost iste, zbog čega se jasno i nedvojbeno može zaključiti da grupa ponuđača nije ispunila uslove uspostavljene u tačkama 7.1.1., 7.1.3. i 7.1.4. tenderske dokumentacije.

Tačkom 7.5.1. tenderske dokumentacije propisani su uslovi u pogledu dokazivanja sposobnosti obavljanja profesionalne djelatnosti, prema kojoj je svaki član grupe ponuđača dužan dostaviti propisanu dokumentaciju koja ne može biti starija od 90 dana od dana predaje ponude. Za navedeno, član grupe ponuđača TEB INFORMATIKA d.o.o. Sarajevo dostavio je ovjerenu kopiju rješenja iz sudskog registra od 05.12.2013. godine, iz čega je vidljivo da traženi dokument nije dostavljen na način propisan naprijed navedenom tačkom tenderske dokumentacije.

Naprijed navedene nedostatke, Komisija je konstatovala u Zapisniku o pregledu i ocjeni inicijalnih i/ili konačnih ponuda u pregovarački postupak bez objave obavještenja o nabavci sa jednim ponuđačem, broj: 12/08-23-11474-5/20 od 22.07.2020. godine.

Zbog svega navedenog, Komisija za javne nabavke je dala preporuku ugovornom organu da na osnovu člana 69. stav (2) tačka d) Zakona o javnim nabavkama BiH poništi pregovarački postupak javne nabavke bez objave obavještenja broj: 12/08-23-11474-1/20

Zbog svega naprijed navedenog odlučeno je kao u dispozitivu.

Odluka će se objaviti na službenoj stranici ugovornog organa www.zdk.ba i to istovremeno s upućivanjem odluke ponuđaču.

U skladu sa članom 70 i 71. Zakona o javnim nabavkama, Odluka o poništenju postupka javne nabavke dostavit će se ponuđaču zajedno sa Zapisnikom o pregledu i ocjeni inicijalnih i/ili konačnih ponuda u pregovarački postupak bez objave obavještenja o nabavci sa jednim ponuđačem, broj: 12/08-23-11474-5/20 od 22.07.2020. godine.

Pouka o pravnom lijeku:

Protiv ove Odluke može se izjaviti žalba Kantonalnoj direkciji za ceste Zeničko-dobojskog kantona u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Dostavljeno:

1 x Grupa ponuđača,
1 x a/a.

